



ბიოლოგიურ მეურნეობათა ასოციაცია BIOLOGICAL FARMING ASSOCIATION

biofarm@elkana.org.ge
www.elkana.org.ge

გაზაფხულის ქ. № 61
0186 თბილისი
ტელ/ფაქსი: +995 32 253 6467

61 Gazapkhuli str., 0186
Tbilisi, Georgia
Tel/Fax: +995 32 253 6467



6/1

18.03.2021

საქართველოს პარლამენტის
აგრარული კომიტეტის თავმჯდომარეს
ქალბატონ ნინო წილოსანს

ბიოლოგიურ მეურნეობათა ასოციაცია „ელკანა“

დასახულებული მოსაზრება

„სასოფლო-სამეურნეო კოოპერატივის შესახებ“ საქართველოს კანონის აღსრულების თაობაზე

საქართველოს პარლამეტის აგრარული კომიტეტის მიერ გამოცხადებულ „სასოფლო-სამეურნეო კოოპერატივის შესახებ“ საქართველოს კანონის აღსრულების კონტროლთან დაკავშირებით მოგახსენებთ, რომ:

რეზიუმე: სასოფლო-სამეურნეო კოოპერატივების ფუნციონირება საქართველოში ბევრ პრობლემას აწყდება საკანონმდებლო ხარვეზების არსებობის გამო. წინამდებარე წერილში მოცემულია ყველაზე მნიშვნელოვანი საკითხების ანალიზი და შემოთავაზებულია არსებული ხარვეზების გადაჭრის გზები.

ინფორმაცია მომხსენებლის შესახებ: ა(ა)იპ ბიოლოგიურ მეურნეობათა ასოციაცია „ელკანა“ (ს/კ 201950898) ქართული არასამთავრობო ორგანიზაციაა, რომელიც 1994 წლიდან მუშაობს საქართველოში მდგრადი და ბიო/ორგანული აგროწარმოების განვითარების საკითხებზე და 2500-მდე ფერმერს ემსახურება. ამასთან, ბიოლოგიურ მეურნეობათა ასოციაცია „ელკანა“ 2013 წლიდან მუშაობს საქართველოში სასოფლო-სამეურნეო კოოპერატივების ჩამოყალიბებისა და განვითარების საკითხებზე - ENPARD II-ის, HEKS-EPER-ის, IFAD-ის და სხვა პროგრამებისა და პროექტების ფარგლებში ასოციაცია „ელკანამ“ რამდენიმე ათეული სასოფლო-სამეურნეო კოოპერატივის ჩამოყალიბებას და განვითარებას შეუწყო ხელი. ამჟამად ასოციაციის წევრია 25 სასოფლო-სამეურნეო კოოპერატივი, რომელთა წევრების რაოდენობა ჯამურად 800-ს აჭარბებს.

მოსაზრება ეხება ნააჟ-ის ტექნიკურ დავალებაში დასმულ შემდეგ შეკითხვებს:

1. „სასოფლო-სამეურნეო კოოპერატივის შესახებ“ საქართველოს კანონის ეფექტიანად აღსრულების ხელისშემშლელი ფაქტორები; რა არის კანონის ყველაზე დიდი ხარვეზი და რა უნდა შეიცვალოს, რომ ის გახდეს უფრო ეფექტიანი?
2. სასოფლო-სამეურნეო კოოპერატივების არსებული საკანონმდებლო გარემო და შესაბამისი სახელმწიფო მხარდაჭერის ზომები რამდენად ახალისებს სასოფლო-სამეურნეო კოოპერატივების ჩამოყალიბებასა და მათ შემდგომ განვითარებას?
3. რამდენად საკმარისი ან ზედმეტია კანონმდებლობით გათვალისწინებული საგადასახადო შეღავათები, რამდენად უწყობენ ისინი ხელს მდგრადი და ეფექტიანი სასოფლო-სამეურნეო კოოპერატივების ჩამოყალიბებას და საქმიანობას?
4. რამდენად მარტივია სასოფლო-სამეურნეო კოოპერატივის დაფუძნება და მართვა (ოპერირება)? ხომ არ არსებობს პროცედურული სირთულეები ან/და დამაბრკოლებელი ფაქტორები რომელთა გამოსწორებასაც ისურვებდით?
5. რამდენად გამართლებული იყო კოოპერატივის წევრთა მინიმალური ოდენობის 5- დან 9-მდე გაზრდა?

სასოფლო-სამეურნეო კოოპერატივების ფუნციონირების საკანონმდებლო გარემო - რეგისტრაცია, შემდგომი ცვლილებების განხორციელება და მასთან დაკავშირებული პრობლემები

როგორც სხვა ნებისმიერი მიმართულების, ისე სასოფლო-სამეურნეო კოოპერატივების განვითარება დამოკიდებულია არა ხოლოდ თავად კანონზე „სასოფლო-სამეურნეო კოოპერატივების შესახებ“, არამედ იმ ზოგად საკანონმდებლო ჩარჩოზე და რეალობაზე, რომლის ფარგლებშიც ხდება კოოპერატივის დაარსება და მისი შემდგომი ფუნციონირება. ამ კონტექსტის გათვალისწინებლობამ შესძლოა სრულიად გააჩეროს თავისთავად კარგი და გამართული საკანონმდებლო აქტის რეალური აღსრულება.

უაღრესად მნიშვნელოვანია, რომ სასოფლო-სამეურნეო კოოპერატივის დაარსების და ფუნციონირების ბიუროკრატიული პროცედურები იყოს რაც შეიძლება მარტივი და ხელმისაწვდომი. სამწუხაროდ, კოოპერატივის შემთხვევაში, სხვა სამეწარმეო

საზოგადოებების - მაგ., შპს-სგან განსხვავებით, ეს პროცედურები ბევრად რთულია, ხოლო წევრთა დიდი რაოდენობის შემთხვევაში, ტექნიკურად შეუძლებელიც კი, კერძოდ:

- **საერთო კრების მოწვევის წესი:**

ამჟამად მოქმედი „მეწარმეთა შესახებ“ საქართველოს კანონის 68-ე მუხლის 8-ე პუნქტის თანახმად - „საერთო კრება მოიწვევა სულ ცოტა 3 კვირის ვადაში საქართველოს ერთ-ერთ ოფიციალურ ან/და წესდებით განსაზღვრულ გაზეთში გამოქვეყნებით“.

ამასთან ამჟამად საქართველოს პარლამენტში განსახილველად წარდგენილი „მეწარმეთა შესახებ“ კანონის პროექტის 243-ე მუხლით შემოთავაზებული პროცედურა ითვალისწინებს კრების გამომცხადებას 1 თვით ადრე, წესდებით განსაზღვრული წესით ან მარეგისტრირებული ორგანოს ელექტრონულ პორტალზე გამოქვეყნებით. ამავე დოკუმენტის თანახმად პარტნიორთა კრების დღისწესრიგი უნდა გამოცხადდეს კრების მოწვევისას მარეგისტრირებული ორგანოს ელექტრონულ პორტალზე. იქვე წერია, რომ დღისწესრიგის შესახებ ინფორმაცია უნდა განთავსდეს სხვა ნებისმიერი ფორმით გავრცელებულ ინფორმაციაში, რომლითაც მოიწვევა პარტნიორთა კრება.

მიგვაჩნია, რომ აღნიშნული პროცედურები არის შეუსაბამო, ვინაიდან:

1. გაუგებარია, რა საჭიროა 3 კვირიანი ან 1 თვიანი წინასწარი გამომცხადების პროცედურა როგორც წესი, ერთდამავ სოფელში მაცხოვრებელი მეპაიეებისათვის, მით უმეტეს, აგროვადებთან დაკავშირებული სპეციფიკი გათვალისწინებით და განსაკუთრებით, როდესაც კრების მოწვევა განმორებით ხდება; ჩვენი მოსაზრებით, თუ სადაცმოდენო დოკუმენტი სხვაგვარად არ განსაზღვრავს, კრების გამომცხადების ლოგიკური ინტერვალი არ უნდა აჭარბებდეს 7-10 დღეს.
2. ციფრული ტექნოლოგიების ეპოქაში და იმის გათვალისწინებით, რომ საქართველოს მოსახლეობა ინფორმაციის მისაღებად ნაკლებად სარგებლობს გაზეთებით ან ოფიციალური ორგანოების პორტალებით, არაეფექტური და ხისტი კრების გამომცხადების მოთხოვნა მაინცდამაინც ამ რესურსებით. კრების მოწვევის ფორმალური მხარის დასაკმაყოფილებლად კოოპერატივის მენეჯმენტს უწევს კონსულტაციების გავლა, ჩასვლა მუნიციპალურ ცენტრებში, განცხადების გაკეთების ხარჯის გაწევა და შემდგომ კი რეალურად წევრთა გაფრთხილება პირადი კომუნიკაციის მეშვეობით. ჩვენი მოსაზრებით, საკმარისია კანონმა დაუშვას კრების მოწვევა ფოსტით, კოოპერატივის წარმომადგენლის მიერ შეტყობინების გადაცემით ან ელ. საკომუნიკაციო რესურსებით, რომლებიც საშუალებას იძლევა დადასტურდეს მოწვევის მიღება.

- **სასოფლო-სამეურნეო კოოპერატივის წესდების ცვლილების პროცედურა:**

„მეწარმეთა შესახებ“ საქართველოს კანონის 68-ე მუხლის 11-ე პუნქტისა და საქართველოს პარლამენტში განსახილველად წარდგენილი „მეწარმეთა შესახებ“ კანონის პროექტის 247-ე მუხლის მე-3 პუნქტის თანახმად, წესდებაში (პარტნიორთა შეთანხმებაში) ცვლილების შეტანა ხდება საერთო კრებაზე, კრების ოქმის ნოტარიული დამოწმებით (საჯარო აქტის გაფორმებით).

თავისთავად ეს პუნქტი თითქოს ექვს არ იწვევს, თუმცა რეალობაში კოოპერატივებისათვის გადაუწყვეტელ პრობლემად იქცევა შემდეგი გარემოებების გამო:

1. მიუხედავად იმისა, რომ სასოფლო-სამეურნეო კოოპერატივები აწარმოებენ წევრთა რეესტრს სასოფლო-სამეურნეო კოოპერატივების შესახებ კანონისა და „სასოფლო-სამეურნეო კოოპერატივის წევრთა რეესტრის წარმოების წესის დამტკიცების შესახებ“ საქართველოს სოფლის მეურნეობის მინისტრის 2016 ბრძანების თანახმად, ვინაიდან „მეწარმეთა შესახებ“ კანონი მოითხოვს კოოპერატივის წესდებაში პარტნიორების შესახებ ინფორმაციის მითითებას, რეალურად საჯარო რეესტრი მოქმედ წევრებად მიიჩნევს მხოლოდ წესდებაში დათქმირებულ პირებს; შესაბამისად, მოზრდილ კოოპერატივში წევრთა ნაკადურობისა და სასოფლო-სამეურნეო კოოპერატივების შესახებ კანონის მე-10 მუხლის მოთხოვნის გამო (მინიმალური ჰაისა და საპაიო შენატანის ღირებულებების განსაზღვრა წესდებით), პრაქტიკაში აუცილებელი ხდება წესდებაში ცვლილებების წელიწადში ერთხელ განხორციელება;
2. პანდემიის პირობებში კრების ფიზიკური მოწვევა შეუძლებელია, ხოლო კრების დისტანციურად ჩატარება კანონით გათვალისწინებული არ არის;
3. რეგიონებში მოქმედი ნოტარიუსები, როგორც წესი, უარს ამბობენ კოოპერატივის საერთო კრებაზე დასწრებასა და ოქმის დამოწმებაზე, ვინაიდან: ა) მათ უმეტესობას არ აქვს კოოპერატივებთან მუშაობისა და კრების ოქმების დადასტურების გამოცდილება; ბ) ნოტარიუსების უმრავლესობა უკიდურესად დაკავებულია, ხოლო კოოპერატივის კრების ოქმის დადასტურება მათ ფაქტურად მთელ დღეს ართმევს და უმეტეს შემთხვევაში, მუნიციპალური ცენტრიდან დამორბეულ სოფლებში გასვლას მოითხოვს;
4. ამასთან არსებობს პრაქტიკა, რომლის მიხედვითაც კოოპერატივის კრებაზე დასწრების წინაპირობად ნოტარიუსი, თავის დაზღვევის მიზნით, კანონმდებლობით ასეთი მოთხოვნის არარსებობის მიუხედავად, ასახელებს წევრთა 100%-ის დასწრებას, რაც მრავალრიცხოვან კოოპერატივებში, რეგიონებში ხანდაზმული მოსახლეობის სიჭარბისა და აქტიური მიგრაციის პირობებში, ფაქტურად შეუსრულებელი პირობაა;
5. ასევე, საერთო კრებაზე დამსწრეთა სავალდებულო რაოდენობის განსაზღვრისას როგორც ნოტარიუსები, ისე საჯარო რეესტრი ითვლისწინებენ მხოლოდ წესდებაში რეგისტრირებულ წევრებს და არ იღებენ მხედველობაში კოოპერატივის წევრთა რეესტრის მონაცემებსა და იმ გარემოებას, რომ ზოგიერთ წევრს საერთო კრებაში მონაწილეობის უფლება შეზღუდული აქვს საპაიო შენატანის განუხორციელებლობის გამო;
6. უფრო მეტიც, მიუხედავად იმისა, რომ კანონი პირდაპირ განსაზღვრავს წევრის გარდაცვალებას მისი წევრობის შეწყვეტის პირობად, ნოტარიუსები მოითხოვენ მეპყვირდებების დასწრებას კრებაზე; ჩვენი გამოცდილებით, ამგვარი პირობების მქონე კოოპერატივები (მათ შორის, თუ მეპყვირდრე ადარ ცხოვრობს სოფელში ან არ აპირებს სასოფლო-სამეურნეო საქმიანობის გაგრძელებას ან სამეპყვირდოს გახსნა არ ხდება დიდი ხნის განმავლობაში) წლების განმავლობაში ვერ ახერხებენ კრების ჩატარებას და შეჩერებული აქვთ საქმიანობა;
7. მეორეს მხრივ, კოოპერატივის მენეჯმენტს ნოტარიუსის მოძიების, დარწმუნების, კრების ადგილისა და დროის შეთანხმების, ნოტარიუსისა და წევრების ტრანსპორტირების და სანოტარო მოქმედებისათვის დიდადი დროითი და ფინანსური რესურსის დახარჯვა უწევს, რაც კოოპერატივის ერთგულ წევრებს მიძიმე ხარჯად აწევა.

ჩვენი მოსაზრებით, მნიშვნელოვანია კანონმა გაითვალისწინოს წესდებაში ცვლილების შეტანის უფრო მოქნილი მექანიზმი, მაგ., წევრთა რეესტრის განახლებასთან, ჰაის ღირებულებასა და კოოპერატივის გამგეობის წევრთა ცვლილებისასთან დაკავშირებული საწესდებო ცვლილებების დადასტურება უშუალოდ რეესტრში ან სანოტარო ბიუროში წევრთა ხელმოწერით. ამასთან, შესაძლოა წესდებამ გაითვალისწინოს მხოლოდ ჰაის მინიმალური ოდენობა, ხოლო კონკრეტული წევრის საპაიო შენატანის ღირებულება დადგინდეს კრების გადაწყვეტილებით. ყველა შემთხვევაში, თუ გვინდა სასოფლო-სამეურნეო კოოპერატივების კანონი ეფექტურად მოქმედებდეს, საჭიროა კრების მოწვევისა და წესდების ცვლილებების პროცედურების დახვეწა.

• სასოფლო-სამეურნეო კოოპერატივის წევრების რაოდენობის გაზრდა:

საქართველოში კოოპერაციის გამოცდილებისა და უნარების ნაკლებობის გამო, კოოპერატივის წევრთა რაოდენობის ხელოვნური ზრდის წახალისება კანონით მიზანშეწონილად არ მიგვაჩნია. ეს დამატებით ხელოვნურ ბარიერს უქმნის ზოგიერთ მცირე, თუმცა რეალურად მოქმედ კოოპერატივს.

სასოფლო-სამეურნეო კოოპერატივის ჰაი, უკონომიური მონაწილეობა და მასთან დაკავშირებული პრობლემები

პროფესიონალისათვისაც კი უკიდურესად რთული გასაგებია სასოფლო-სამეურნეო კოოპერატივების შესახებ კანონით გათვალისწინებული შენატუნების სახელწოდებები, მათი არსი, დანიშნულება და განსაზღვრის წესი/პრინციპი. მნიშვნელოვანია, რომ შესატუნების დასახელება და მათ არსი მკაფიოდ იყოს მისადაგებული კომერციული სტრუქტურის კაპიტალის კატეგორიებთან, კერძოდ კოოპერატივის ფიქსირებული ხარჯების, საინვესტიციო საჭიროებებისა და საბრუნავი საშუალებების დაფინანსებასთან; მაგალითისათვის:

1. სასოფლო-სამეურნეო კოოპერატივების შესახებ კანონის ტექსტის ანალიზი საშუალებას არ იძლევა ნათლად და ცალსახად გავმიჯნოთ მინიმალური ჰაის, ჰაისა და საპაიო შენატუნის ცნებები;
2. არსად არ არის ჰაის ჯერადი რიცხვით განსაზღვრის პრინციპი, პირიქით, კანონის 13¹ მუხლის 1-ლი პუნქტის თანახმად - „მეპაიის სავალდებულო საპაიო შენატუნის ოდენობა განისაზღვრება საანგარიშო პერიოდის დაწყებამდე, სასოფლო-სამეურნეო კოოპერატივში მისი მოსალოდნელი სამეურნეო საქმიანობის შესაბამისად, კოოპერატივის მიერ ამ მეპაიისთვის გასაწევი მომსახურების ან/და მისაწოდებელი პროდუქციის ღირებულების პროპორციულად“; რაც შეიძლება ისე განვმარტოთ, რომ საპაიო შენატანი ყველა წევრისათვის ყოველ წელს განსხვავებული, არაჯერადი რიცხვი შეიძლება იყოს. ასეთი ფორმულირება მლის ზღვარს „ჰაისა“ და უბრალოდ „შენატანს“ შორის და შეუძლებელს ხდის წევრების ჰაის რაოდენობების განსაზღვრას;
3. ასევე გაუგებარია, რატომ არის ყოველწლიურად ჰაის შეტანა სავალდებულო, თუ შესაძლებელია, კოოპერატივმა, ყველა ხარჯის გასტუმრების შემდეგ, მოახდინოს მოგების (ან მისი ნაწილის) რეინვესტირება მომავალი წლის ფიქსირებულ და საბრუნავ ხარჯებში და განახორციელოს წევრებს მომსახურება თავდაპირველად განხორციელებული ჰაის საფუძველზე და მის პროპორციულად.

ჩვენი აზრით, წევრებს მხოლოდ იმ შემთხვევაში უნდა ჰქონდეთ ყოველწლიური ჰაის შეტანის ვალდებულება, თუ წინა წლის მოგება რეინვესტირების საშუალებას არ იძლევა ან არ არის საკმარისი ყველა ან რომელიმე კონკრეტული წევრის გასაწევი მომსახურების ან/და მისაწოდებელი პროდუქციის ღირებულების დასაფარად;

ამასთან, თუ გვინდა, რომ კანონმა ეფექტურად იმოქმედოს, ჰაების სახეები, მათი განსაზღვრის წესი და დანიშნულება ნათლად უნდა იყოს ფორმულირებული.

მაგალითისათვის, ჰაის სახეები შესაძლოა განისაზღვროს შემდეგნაირად:

- **საპაიო შენატანი** - მეპაიის ან/და ასოცირებული წევრის მიერ საპაიო ფონდში შეტანილი ჰაების ჯამური ღირებულება;
- **ჰაი** - მეპაიის ან/და ასოცირებული წევრის მიერ ნომინალურ ჯერად ფულად ღირებულებაში (მაგალითად, 300 ლარი) გამოხატული შენატანი საპაიო ფონდში, რომელიც ამ კანონისა და კოოპერატივის წესდებით განსაზღვრული წესის შესაბამისად შეიძლება განხორციელდეს ფულით ან/და ფულად ღირებულებაში გამოხატული ქონებით; კოოპერატივის მეპაიის და ასოცირებულ წევრს შეიძლება ჰქონდეთ ერთი ან რამდენიმე ჰაი; ჰაის სახეებია;
- **საოპერაციო (სავალდებულო) ჰაი** - სასოფლო-სამეურნეო კოოპერატივის მიერ დაგეგმილი წლიური სამეურნეო საქმიანობის (ფიქსირებული და საბრუნავი ხარჯების) დასაფარად მეპაიის მიერ ყოველწლიურად გაკეთებული სავალდებულო შენატანი საპაიო ფონდში, რომელიც მეპაიის აძლევს სასოფლო-სამეურნეო კოოპერატივის საქმიანობაში მონაწილეობის/მომსახურების მიღების, კოოპერატივის მოგებიდან დივიდენდის მიღებისა და საერთო კრებაზე ხმის უფლებას; მეპაიის საოპერაციო ჰაების ოდენობა განისაზღვრება ყოველწლიურად, საანგარიშო პერიოდის დაწყებამდე, სასოფლო-სამეურნეო კოოპერატივში მისი მოსალოდნელი სამეურნეო საქმიანობის შესაბამისად, კოოპერატივის მიერ ამ მეპაიისთვის გასაწევი მომსახურების ან/და მისაწოდებელი პროდუქციის ღირებულების პროპორციულად და მისი შეტანა ხდება მეპაიის წინა წლის დივიდენდის მომავალი საანგარიშო პერიოდის საოპერაციო ჰაიში ჩათვლით, ფულადი შენატანით ან მათი კომბინაციით (შევსებით);
- **საინვესტიციო (დამატებითი) ჰაი** - სასოფლო-სამეურნეო კოოპერატივის საჭიროებიდან გამომდინარე - საინვესტიციო ხარჯების ან/და სასოფლო-სამეურნეო კოოპერატივის ზარალის დასაფარად, მეპაიის ან ასოცირებული წევრის მიერ ჰაის სახით განხორციელებული შენატანი საპაიო ფონდში, რომელიც მას აძლევს ამ კანონითა და სასოფლო-სამეურნეო კოოპერატივთან გაფორმებული ხელშეკრულებით განსაზღვრული პირობებით დივიდენდის მიღების უფლებას; მეპაიისათვის საინვესტიციო ჰაის შეტანა ნებაყოფლობითია; ასოცირებული წევრის მიერ შენატანი საინვესტიციო ჰაების სახე და ოდენობა განისაზღვრება საერთო კრების გადაწყვეტილებით და დგინდება წევრსა და კოოპერატივს შორის გაფორმებული ხელშეკრულებით.

თუ ამ ლოგიკას გავყვებით, კოოპერატივის მეშვეობით მეპაიებსა და ასოცირებულ წევრებს შეიძლება ჰქონდეთ შემდეგი სახის სარგებელი:

- **კოოპერაციული სარგებელი** – სამეურნეო წლის განმავლობაში კოოპერატივში უკონომიური მონაწილეობის შედეგად მეპაიის მიერ საერთო კრებაზე დადგენილი წესითა და ოდენობით მიღებული შეღავათები (მომსახურების მიღებისას) და ფასნამატები (პროდუქციის რეალიზაციისას);
- **საინვესტიციო დივიდენდი** - წესდებით განსაზღვრული და სასოფლო-სამეურნეო კოოპერატივისა და წევრს შორის გაფორმებული ხელშეკრულებით შეთანხმებული წესით, წევრის მიერ მისი საინვესტიციო ჰაების პროპორციულად წლიური მოგების საინვესტიციო ჰაებზე გასანაწილებელი დივიდენდების ფონდიდან მისაღები შემოსავალი;
- **დივიდენდი უკონომიური მონაწილეობისათვის** - წესდებით განსაზღვრული და სასოფლო-სამეურნეო კოოპერატივისა და წევრს შორის გაფორმებული ხელშეკრულებით შეთანხმებული წესით, წევრის მიერ მისი უკონომიური მონაწილეობის პროპორციულად წლიური მოგების უკონომიურ მონაწილეობაზე გასანაწილებელი დივიდენდების ფონდიდან მისაღები შემოსავალი;
- **საინვესტიციო და უკონომიურ მონაწილეობაზე გასანაწილებელი დივიდენდების ფონდების შეფარდება (%)** წლიურ მოგებაში დგინდება საერთო კრების მიერ. ინვესტირების განხორციელების შემდეგ ამ შეფარდების ცვლილება დაუშვებელია საინვესტიციო ჰაების მფლობელთა 9/10-ის და საინვესტიციო საპაიო ფონდის ჰაების 80%-ის მფლობელთა წინასწარი თანხმობის გარეშე.

საბოლოოდ გვინდა კიდევ ერთხელ გაუხვავოთ ხაზი იმ გარემოებას, რომ კანონის ჰაისა და მოგების განაწილებასთან

დაკავშირებული ნორმების დახვეწის გარეშე საქართველოში სასოფლო-სამეურნეო კოოპერატივების განვითარება დიდი სირთულეების წინაშე დგას

სასოფლო-სამეურნეო კოოპერატივის საგადასახადო შეღავათები

საგადასახადო შეღავათებთან დაკავშირებით, სასურველია სასოფლო-სამეურნეო კოოპერატივების საგადასახადო შეღავათები გავრცელდეს მეორადი წარმოების კოოპერატივებზე, რათა ეფექტურად განვითარდეს ღირებულებათა ჯაჭვები.

იმედს ვიტოვებთ, რომ წარმოდგენილი მოსაზრებები საინტერესო და სასარგებლო აღმოჩნდება!

პატივისცემით,

მარიამ ჯორჯაძე

დირექტორი

მარიამ ჯორჯაძე

დირექტორი

მ. ჯორჯაძე

For **BIO**tiful Life!

Organic products. Rural diversity

